

卷

1—4

陸潤庠
參校

世補齋醫書



上海
江東書局
印行

世補齋醫書

六種三十三卷

中華民國紀元
上海江東茂記
書局重校發行

南京中央大學圖書館

祖望藏

山左書局重印世補齋醫書序

蓋聞醫者意也亦理也古人之醫理高深推其理即足以達其意今人不知其意用其意強附於其理此今醫之所以去古日遠也自丹溪東垣諸君出有偏於補陽者有偏於補陰者未始不偶效於一時赫赫然稱名醫矣而仲景為醫中之聖反因之而晦豈果能駕仲景而上哉蓋若人者非不知仲景之於醫有百世不易之烈特恐永守其傳則已道弗顯故別樹一幟新人耳目則凡師其學者亦惟知新說是從而已嗚呼醫道凌夷至此其弊可勝言乎乃天以好生為德欲使斯人盡登仁壽之域於是

我九芝先生應運以生焉先生本通儒而好醫以表彰仲景為己任著有世補齋醫書娓娓數萬言其有功於仲景者甚大其使天下之人復知仲景之醫不致為他醫所誤者其功尤大也今年春保病溫羣醫束手先生以大承氣湯下之一藥而霍然保年七十矣梳簪苦寒也朴黃峻下也乃力排眾議毅然行之非有真知灼見不惑於補陰補陽之說者曷能若此故保曰仲景醫中之聖先生醫中之賢以佐聖者也至於推五運之轉移論六經之本始則願與讀先生書者互相考鏡庶幾仰窺先生之道於萬一焉可

世補齋醫書

前集

序

醫家之有傷寒論猶儒家之有論語也日月江河萬古不廢自夫人不讀傷寒論於是臨病則不達其原立方則不達其變執方予病強病就藥余服官南北所見所聞如一轍已仲景傷寒方本不獨治傷寒而以治凡傷寒者之證金匱之治雜病與傷寒論本是一書故傷寒之六經即雜病之六經病雖百變經則有常一病一名治有主方一病數證證有主藥若置六經不講烏足以臨病人哉乃今之醫輒曰時有古今之異古方不治今病噫嘻古今誠有異而天之五運六氣人之五藏六府亦有古今之異乎夫治病之法泥古者非護古者尤非竊嘗取神農本經之言以讀仲景書彙集名論都為一編欲以破時人之局丙寅冬月典樞之架始鋟版焉吾鄉陸君九芝達於醫學曩在里門曾出其所著醫論若干篇見示亦以表章仲景為事以仲景六經為歸誠先得我心者矣今夏入都復讀世補齋全書會余拜命持節江右即日遄行未遑卒業所願讀是書者自此復知有南陽而不迷於所向謂非吾道之幸乎君夙以文學名讀書日以寸計食古而能化尤善索解於無字句處活人之術其緒餘耳而病者遇之輕病不知其何以已也重病不知其何以活也則其為陰隲大矣哲嗣鳳石以甲戌魁天下良醫之食報於天者何如并書其事為後學勸云

光緒八年壬午秋九月同里韓園居士潘蔚

古云宰相須用讀書人余謂斯言也亦可通於醫世固未有不讀書不通古方而能為醫者也仲景以傷寒論師表萬世施諸今病無不合者乃今之人不明其義因而不用其方而又恐有議其後者乃託古方不治今病之說以為便善夫鄉先輩靈胎徐氏之言曰天地猶是天地人物猶是人物若人氣薄則物性亦薄豈有人今而藥獨古者嘗執是以求當世而知者蓋寡我友元和陸君九芝奉其尊甫方山先生庭誥既承家學又洞見時俗之弊凡所施治悉本仲景方意嘗曰如仲景方而不可用則病人豈容我以嘗

試者何以用之一人而效用之人人而無不效且何以彼之不用仲景方者曾不聞一效也吾既用之而效矣用之而屢效矣則吾豈能舍吾效者不用而用彼之不效者耶夫病者何所求不過求其效耳然不用仲景方而效不至則人何樂乎不用仲景方哉君之書以表章仲景為事出即以仲景方法活人語有之陰德耳鳴吾知後必有食其報者以余交君久屬為序爰舉平日所緒聞者弁其端抑恐未足以知君之深矣

同治六年丁卯春二月吳江愚弟費延釐

往嘗見楊君謙蘇談紀金華戴原禮學醫於朱彥修盡得其傳以其術游吳下吳人之以病謁者戶為塞王仲光時為儒未知醫也慕而造焉諮學醫之道原禮曰熟讀素問耳仲光退而習之三年原禮復來吳聞仲光談論大駭自以為不如余以是知學醫而不通素問不可以為醫我友陸君九芝其先世以科第顯而皆能醫皆讀素問九芝復用志不紛慨世之醫絕不從事於斯說言素問古書不治今病而醫學遂以大壞乃盡棄其他所學而獨於無方之書得其言以治人咸豐己未涇陽張文毅公督兵皖江軍書旁午以涇熱遺疾瘁醫震驚不能療九芝故出公門下飛騎千里招致軍中進數劑立瘥文毅德之優禮而歸令中丞太康劉公於辛酉令上海時得結胸證以時方元參地麥瀕於危九芝眎之貢以朴枳輩數服乃解今人賴君之明如此君與時相反耶抑時與君相反也今與余同客峯泖間命長子開騏從君游嗟乎吳中醫學失墜久矣九芝獨能具堅忍之力為斯道作干城余見其所讀皆古書而治無不效效無不速其熟讀素問之驗誠有如原禮所言者吾吳醫學其將自君而復興乎君方著書未分卷他日必裒然成大集預書之為左券焉

同治五年丙寅孟春之月同里愚弟袁蘭升

世補齋醫書

總目

文十六卷

不謝方一卷

傷寒論陽明病釋四卷

內經運氣病釋九卷

附內經遺篇病釋一卷

內經運氣表一卷

內經難字音義一卷

計六種共三十三卷

世補齋醫書

目錄

文一

補後漢書張機傳

六氣大司天下篇

附三元甲子攷

文二

傷寒有五論

傷寒有五論三

傷寒方論二

傷寒去實論

傷寒論六經提綱

文三

太陽寒水病方說

少陽相火病方說

少陰君火病方說

附傷寒論溫清三法選方

文四

太陽用桂麻二湯法

太陽陽明用青龍白虎法

六氣大司天上篇

傷寒有五論二

傷寒方論

傷寒方論三

傷寒補虛論

傷寒論脈法

陽明燥金病方說

太陰溼土病方說

厥陰風木病方說

傷寒方一兩準今七分六釐一升準今六勺七抄說

太陽病桂麻青龍三級說

陽明府用承氣法

少陽用小柴胡法

少陰咽痛吐利寒熱辨

厥陰熱利寒利辨

文五

葛根桂枝辨

犀角升麻辨

犀角升麻辨三

犀角膏黃辨二

葛根黃連黃芩湯解

附子補陽人參補陰說

文六

溫熱病說

溫熱病說三

瘟疫病說

瘟疫病說三

文七

丹痧斑疹論

霍亂論

欬嗽論

太陰陽明虛實辨

厥陰熱厥寒厥辨

葛根麻黃辨

犀角升麻辨二

犀角膏黃辨

犀角膏黃辨三

真武四逆白通通脈四方合解

溫熱病說二

附溫熱病選方

瘟疫病說二

附瘟疫病選方

噦逆有冷熱兩種說

暑瘧暑痢論

喘壅非即喘脫辨

逸病解

文八

真中風論 附痿痺厥

釋燥

婦科經帶論

小兒驚風說

文九

論王叔和傷寒序例

論叔和諸可與不可篇

論喻嘉言溫證三篇

論嘉言誤解內經精字

論李士材醫宗必讀以諸血證盡入虛勞門

文十

黃坤載書總論

論黃氏竊書

論黃氏不識陽明病

論補陽還五湯

文十一

論葉天士臨證指南傷寒門方

烟漏說

釋飲

老年治法 附延壽丹方藥解

生化湯說

論叔和序例及平脈法辨脈法

論劉河間治溫全用傷寒方

論嘉言溫病屬少陰之誤

論程郊倩生地麥冬為骨蒸勞熱源頭

論秦皇士傷寒大白

論黃氏改經

論黃氏貴陽賤陰

論王清任醫林改錯

論臨證指南溫熱門席姓七案

合論顧景文溫證論治吳鞠通濕病條辨

再論胃病有神昏肺病無神昏之理

論章虛谷外感溫熱

附條辨

文十二

續蘇談防其說

論假石膏

合論珠黃散蘇合香丸至寶丹紫雪丹

夾陰傷寒說

文十三

重訂傅徵君女科序

重訂吳又可溫疫論序

徐刻莊在田遂生福幼兩編序

李冠仙微寓意草序

書陳修園傷寒論金匱要略淺注後

書尤在涇傷寒貫珠集後

文十四

答沈沃之問邪之所湊其氣必虛書

與葉丈調生論劉悉階溫熱病書

與徐丈治伯論種子書

再論溫邪上受首先犯肺逆傳心包十二字

論楊栗山傷寒瘟疫條辨

論過橋麻黃

論黑膏不全方

陰虛說

脈有力無力說

重訂綺石理虛元鑑序

重訂戴北山溫熱論序

莫枚叔研經言序

書柯韻伯傷寒論翼後

書徐靈胎慎疾芻言後

書曾文正公論史遷扁鵲倉公傳後

答陸曦叔問經月不寐書

答鄭仲協問內經刺法本病二篇論疫

七答

文十五

答袁生上池問外感六因

答雲依問內經諸治法

再與雲依論中陰溜府

實火虛火陰火總論示雲依

文十六

下工語

自記治驗兩則

世補齋醫書自序

答施王二生問陽明溼溫之治

答坤吾問傷寒傳經為熱直中為寒

陰陽偏勝治法不同示雲依

陽為陰遏陰虛陽亢兩病合論示子範

述先

自題張機補論後

世補齋醫書 文一

元和陸懋修九芝著

受業

壻 歸安沈彥模子範

羅山方連軫坤吾

溧水濮賢慈雲依

參校

子

潤庠鳳石

史家之贊孫思邈曰夫人之身出必有處處非得己貴為世補余少問學鮮經濟無補於世退而求思邈之術若有得焉因取以名吾齋而即以名吾書

補後漢書張機傳

張機字仲景南郡涅陽人也靈帝時舉孝廉在家仁孝以廉能稱建安中官至長沙太守在郡亦有治迹博通羣書潛樂道術學醫於同郡張伯祖盡得其傳總角時同郡何永稱之許為良醫果精經方有寒食散論解寒食散寒食藥者世莫知焉或言華陀或曰仲景考之於實陀之精微方類單省而仲景有侯氏黑散紫石英方皆數種相出入節度略同然則寒食草石二方出自仲景非陀也且陀之為治或剗斷腸胃滌洗五藏不純任方也仲景雖精不及於陀至於審方物之候論草木之宜亦妙絕眾醫昔神農嘗草而作本經為開天明道之聖人仲景元化起而述之故仲景黃素元化綠帙並有名稱而仲景論廣伊尹湯液為數十卷用之多驗既至京師為名醫於當時稱上手見侍中王仲宣時年二十餘曰君有病四十當眉落半年而死令服五石湯可免仲宣嫌其言忤受湯勿服居三日見仲宣問曰服湯否仲宣曰已服仲景曰色候固非服湯之診何輕命也仲宣猶不信後二十年果眉落一百八十七日而死然如其言美哉乎仲景之能候色驗眉也居嘗慷慨歎曰凡欲和湯合藥鍼灸之法宜應精思必通十二經脈知三百六十孔穴榮衛氣行知病所在宜治之法不可不通古者上醫相色色脈與形不得相失黑乘赤者死赤

乘青者生中醫聽聲聲合五音火聞水聲煩悶干驚木聞金聲恐畏相刑脾者土也生有萬物迴動四傍太過則四肢不舉不及則九竅不通六識閉塞猶如醉人四季轉運終而復始下醫診脈知病原由流轉移動四時逆順相害相生審知藏府之微此乃為妙也又曰欲療諸病當先以湯蕩滌五藏六府開通諸脈治道陰陽破散邪氣潤澤枯朽悅人皮膚益人氣血水能淨萬物故用湯也若四肢病久風冷發動次當用散散能逐邪風氣溼痺表裏移走居無常處者散當平之次當用丸丸藥者能逐風冷破積聚消諸堅癖進飲食調和榮衛能參合而行之者可為上工故曰醫者意也又曰不須汗而疆汗之者出其津液枯竭而死須汗而不與汗之者使諸毛孔閉塞令人悶絕而死不須下而疆下之者令人開腸洞泄不禁而死須下而不與下之者令人心內懊懷脹滿煩亂浮腫而死不須灸而疆灸之者令入火邪入腹干錯五藏重加其煩而死須灸而不與灸之者令人冷結重凝久而深固氣上衝心無地消散病篤而死以宗族二百餘口死者三之二傷寒居其七迺引陰陽大論云春氣溫和夏氣暑熱秋氣清涼冬氣凜冽此則四時正氣之序也冬時嚴寒萬類深藏君子固密則不傷於寒觸冒之者乃名傷寒耳其傷於四時之氣者皆能為病以傷寒為毒者以其最成殺厲之氣也中而即病者名曰傷寒不即病者寒毒藏於肌膚至春變為溫病至夏變為暑病暑病者熱極重於溫也是以辛苦之人春夏多溫熱病皆由冬時觸冒寒冷所致非時行之氣也凡時行者春時應暖而反大寒夏時應熱而反大涼秋時應涼而反大熱冬時應寒而反大溫此非其時而有其氣是以一歲之中長幼之病多相似者此則時行之氣也又引素問黃帝曰夫熱病者皆傷寒之類及人之傷於寒也則為病熱五百餘言為傷寒日數部著論二十二篇證外合三百九十七法一百一十三方自序之其辭曰余每覽越人入號之診望齊侯之色未嘗不慨然歎其才秀也當今居世之士曾不留神醫藥精究方術上以療君親之疾下以救貧賤之厄中以保身長全以養其生而但競逐榮勢企踵權豪孜孜汲汲惟名利是務崇飾其末而忽棄其本欲華其外而悴其內皮之不

存毛將安附進不能愛人知物退不能愛躬知己卒然遇邪風之氣襲非常之疾患及禍至而後震懷身居危地蒙蒙昧昧翫若游魂降志屈節欽望巫祝告窮歸天束手受敗費百年之壽命將至寶之重器委付庸醫恣其所措咄嗟喑鳴厥身已斃神明消滅變為異物幽潛重泉徒為涕泣舉世昏迷莫能覺悟自育若是夫何榮世之有哉哀乎趨世之士馳競浮華不固根本忘軀殉物危若冰谷至於是也余宗族素多向餘二百建安紀元以來猶未十稔其死亡者三分有二傷寒居其七感往昔之淪喪傷橫天之莫救乃勤求古訓博采眾方撰用素問九卷八十一難陰陽大論胎臚藥錄并平脈辨證為傷寒雜病論合十六卷雖未能盡愈諸病庶可以見病知源若能尋余所集思過半矣夫天布五行以植萬類人秉五常以為五藏經絡府輸陰陽會通元冥幽微變化難極易曰非天下之至賾其孰能與於此自非才高識妙豈能探其理致哉上古有神農黃帝岐伯伯高雷公少俞少師仲文中世有長桑扁鵲公乘陽慶及倉公下此以來未之聞也觀今之世不念思求經旨以演其所知各承家技始終循舊省疾問病務求口給相對斯須便處湯藥按寸不及尺握手不及足人迎跌陽三部不參動數發息不滿五十短期未知決候九部曾無髣髴明堂闕庭盡不見察所謂窺管而已夫欲視死別生固亦難矣此皆醫之深戒病者可不謹以察之而自防慮也孔子曰生而知之者上學則亞之多聞博識知之次也余宿尚方學請事斯語其文辭簡古典雅凡治傷寒未有能出其右者其書推本素問之旨為諸方之祖華陀讀而善之曰此真活人書也靈獻之間俗儒末學醒醉不分而稽論當世疑誤視聽名賢濟哲多所防禦至於仲景特有神功鄉里有憂患者疾之易而愈之速雖扁鵲倉公無以加之時人為之語曰醫中聖人張仲景江南諸師祕仲景要方不傳所傳於世者傷寒雜病論十卷或稱方十五卷或又稱黃素藥方二十五卷辨傷寒十卷評病要方一卷瘡婦人方二卷五藏論一卷口齒論一卷弟子衛汎有才識

論曰凡言成事者以功著易顯謀幾初者以理晦難昭漢自中世以下太官大醫異端紛紜泥滯舊方互

相說駁張機取諸理化以別草木之性高志確然獨拔羣俗言之者雖誠而聞者未譬其為雷同者所排固其宜也豈幾慮自有明惑將期數使之然歟夫利不在身以之謀事則智慮不私己以之斷義必屬誠能釋利以循道使生以理全死與義合也不亦君子之致為乎孔子曰危而不持顛而不扶則將焉用彼相矣左邱明有曰仁人之言其利溥哉此蓋道術所以有補於世後人皆當取鑒者也機撰著篇籍辭甚典美文多故不載原其大略蠲去復重亦足以信意而感物矣傳稱盛德必百世紀語云活千人者子孫必封信哉

贊曰塗分流別專門並興千載不作淵源誰激

傳凡引伸處承接處多摭後漢書列傳中語以相聯屬篇首倣左雄傳冠南郡於涇陽之上以漢之涇陽縣屬南陽郡隋開皇初改為溧陽唐武德初屬鄧州貞觀元年省入穰縣金末始置鎮平縣屬申州元屬南陽府明洪武二年省入南陽縣 國朝因之仲景生於涇陽傷寒論序尾自署南陽者書郡不書縣也縣則前明始以南陽稱在漢則當稱涇陽故河南通志書張機涇陽人補傳引用諸書目附記於後 晉王叔和傷寒論序例 皇甫謐甲乙經自序 梁陶宏景別錄自序

隋巢氏病源候論

唐孫思邈千金方

王燾外臺秘要

甘伯宗名醫錄

宋林億新校進千金

方疏

林億等外臺秘要注

唐慎微證類本草

李瀛醫史

太平御覽

王氏玉海

鄭樵通志

馬端臨文獻通考

陳振孫書錄解題

四庫全書目錄

河南通志

傷寒論自序云撰用素問九卷八十一難陰陽大論胎臚藥錄并平脈辨證為傷寒雜病論合十六卷

蓋謂撰用諸經後并平其脈辨其證以成此十六卷之論平字下是脈字辨字下則是證字而非脈字

言下了然並非別有平脈辨脈篇也今所傳傷寒論有平脈法辨脈法二篇及諸可與不可等篇皆出

叔和之手王安道言之頗詳迹其文筆絕類王氏脈經可斷其不是仲景語